

國策地名考

國策地名考卷四

欽 程恩

儀徵阮芸臺先生鑒定 溧陽 狄子

陽湖 顧文炳 泰

齊 上

原注東有菑川東萊瑯邪高密膠東南有泰山城陽北
有千乘清河以南渤海之高樂高城重合信陽史作西陽

有濟南平原恩澤案齊本姜姓太公呂尙佐周有功封

於營邱在今山東青州府昌樂縣東南五十里或曰營邱卽臨

潘也說見後 胡公徙薄姑在今青州府博興縣東北十五里

獻公徙臨淄卽今青州府臨淄縣也

詩王命仲山甫城彼東方卽此傳云

蓋去薄姑而遷臨淄其事當宣王時應在武公之世與史記不合或者獻公始遷之經營未善至武公又爲之築城

太公傳三十八代

呂覽淮南作三十四代元和郡縣志作三十九代

至康

公爲田和

田完九世孫

所篡和子孫強盛仍都臨淄與燕趙

韓魏楚俱稱王五世至王建

按田齊世家自陳恒至王建止十代竹書紀年有田

侯剡及悼子爲十二代與莊子鬼谷子合

爲秦所滅

田肯曰齊東有瑯邪

卽墨之饒南有太山之固西有濁河之限北有勃海之

利地方二千里持戟百萬縣隔千里之外齊得十二焉

此東秦也潘聰曰青齊沃壤號東秦土方二千里四塞

之固負海之饒可謂用武之國張氏琦曰齊之盛時自

今山東濟南泰安東昌以東北有直隸之天津滄景南
有沂州兼得兗州之寧陽汶上陽穀壽張及鄒滕二縣
之南境漢志云分宋得濟陰東平則今曹州府及濟寧
州也東平本魯地屬齊

臨淄

本策蘇秦爲趙合從說齊宣王曰章臨淄之中七萬戶
原注屬齊郡補曰青州臨淄縣古營邱地城臨淄水故
云恩澤案地理志齊郡有臨淄縣郡國志屬齊國注云

今青州縣水經注城對天濟淵故有齊城之稱元和志
今縣理卽古臨淄城也齊記城周五十里

方輿紀要
作四十里有

十三門今臨淄縣城北有齊城亦曰齊國城卽故城也
自獻公以下皆都此惟謂臨淄卽古營邱雖本地理志
及水經注而未可信其必然按志旣以臨淄爲師尙父
所封而於北海郡營陵縣

今昌樂縣

下又云或曰營邱則在

班氏本兩存其說一統志謂昌樂縣營邱社卽太公受
封之地又於臨淄縣下注云本齊營邱地蓋營邱地廣
今臨淄縣亦在其界內

二縣本相近

故曰臨淄卽營邱非大

公實封於此也不得以城中有小邱偶與爾雅合遂斷

爲一地

說見下

營邱

燕策人有惡蕪秦於燕王者章則齊不益於營邱原注

卽北海營陵太公所封恩澤案史記營邱邊萊此營邱

非臨淄之切證晏子春秋先君太公築營之邱呂氏春

秋太公封營邱之渚海阻山高險固之地其後五世胡

公徙薄姑地志謂太公封薄姑非是六世獻公或曰獻公胡公弟徙臨淄蓋

自東而西也地理志北海郡營陵縣或曰營邱應劭曰

師尙父封於營邱陵亦邱也路史國名紀營邱故城在

濰之昌樂故萊侯與太公爭營邱說見史記皆足證營邱非

臨淄之說齊地記邱下周三百步高九丈北廂下隆水經

注作一丈五尺路史注於營邱下引此則并以臨淄小

邱在營邱城中矣

泰山

同上臨淄章齊南有泰山東有瑯邪西有清河北有渤

海

恩澤

案淮南子天下九山泰山其一地理志云岱山

在泰山郡博縣西北

其故城在今泰安縣東南山在故城西北

五行志泰山

岱宗五嶽之長王者易姓告代之處山有天門日觀漢

官儀泰山盤道屈曲而上凡五十餘盤仰視天門如從

穴中視天牕

又見馬第伯封禪儀記

雞鳴觀日出長三丈許博物

志泰山一名天孫唐六典泰山周百六十里高四十餘

里

道書福地記太山高四千九百丈二尺

今在山東泰安府泰安縣北五

里 魏氏曰自成皋以東歷梁宋曹鄆諸州幾千餘里
大抵經途沃野無大山重阻而泰山忽然特起博厚崇
隆拱衛南北自此羣山翼帶直抵海濱爲天下之奧區
神皋形勢直與關中並峙五嶽爲羣山之尊而泰山又
爲五嶽之尊不信然歟

亢父

同上徑亢父之險高注今任城縣鮑注屬東平 恩澤 案

地理志東平國有亢父縣 有詩亭故詩國
卽春秋之邾也 郡國志屬任

城國 左傳邾瑕
在縣北 水經注黃水又東逕任城郡之亢父縣

故城西夏后氏之任國也正義亢父故縣在兗州任城

縣南五十一里

括地志同

今在山東濟寧州南五十里

錢坫作六

十里

開山圖泰山在左亢父在右亢父知生梁父知死

是亢父本山名蓋以山名縣也玩策文險字宜指山言故次於此

梁父

本策淳于髡一日而見七人於宣王章及之畢黍梁父之陰高注皆山名

恩澤

案封禪書八神二曰地主祠黍

山梁父地理志太山郡有梁父縣郡國志作梁甫

左傳蒐裘

在縣南

水經注梁父故城

在今泗水縣北四十里洪亮吉謂在泰安縣南六十里疑誤山

在梁父故城北去泰安縣百餘里則

北有梁父山王者

梁父故城不得在泰安縣南六十里

封泰山禪梁甫故縣取名焉括地志梁父山在兗州泗

水縣北八十里

洪亮吉謂在今泰安縣南一百十里錢坫作百里俱誤張氏琦曰梁父山在太

山東六西接徂徠南入泗水縣界其東卽云云山皆泰

山支阜也

巽黍

見上原注疑是負黍

恩澤

案負黍在陽城今河南登封

縣距梁父絕遠且其字各異未可援以爲說

渤海

見上泰山下原注幽州郡正曰正義云今滄州

恩澤

案

地理志幽州有勃海郡治浮陽卽今滄州但云絕清

河涉渤海則渤海以海言當時未嘗置郡也說文東海之別有勃解應劭曰海之橫出者曰勃史記索隱崔浩曰勃旁跌也旁跌出者橫在齊北又謂之禪海國語渠弭於有渚韋昭曰渠弭禪海也亦謂之少海韓非子齊景公與晏子遊於少海是也玩本文北字渤海自在齊之北境

正義齊從滄州渡河至瀛州通典渤海爲齊趙二國之境地理通釋漢勃海郡今滄棧霸濱諸

州之地

不指登萊大海說

萊青二府漢爲北海郡

胡渭曰碣石

今山東海

豐縣馬谷山或曰卽碣石

以西至直沽口禹時爲逆河戰國時謂之

渤海渤海止此耳以鐵山沙門爲渤海之口而旅順以

東爲大海近志之失也

顧棟高曰當其北者爲勃海當其東南者大海也

負海

中山策犀首立五王章負海不與焉原注負海齊也

思

澤

案廣志云山東自兗州東昌而外當大海一面之險

者濟南東北境也當兩面之險者青州府北及東南境也當三面之險者登萊二府之東南北皆以海爲境也

漢置勃海北海二郡皆在齊地故曰負海

漢書食貨志自負海江淮

而至此邊五行志亦云轉輪起負海至此邊又云負海之國是負海實有其地也

清河

見上泰山下高注清河今甘陵漢改鮑注冀州郡補曰

正義云今貝州

思澤

案清河亦水名水經注淇水自館

陶清淵東北過廣宗縣東爲清河又東北逕清陽縣故

城西漢高帝置清河郡治此

在今直隸廣平府清河縣安帝時移治甘陵郡東南

十七里謂之鵲城在今山東東昌府清平縣

又東過蓀縣與大河張甲故瀆

合又東過東光南皮等縣齊之北境也秦蕙田曰今直

隸清河縣清河舊經其處故云則清河之爲郡固以水

名矣

元和志寰宇記並以東平濟南淄川北海界中有水流入海謂之清河近志因以今大清河當之似

非策文所指

清濟

燕策蘓秦死章齊有清濟濁河足以爲固原注

見秦策東

郡壽張注涉上有句城正曰書蔡傳濟水自鄭以東貫

滑曹鄆濟齊青以入于海自鄆以下皆齊地

本唐李思賢說

澤案水經注濟水自滎澤東流至乘氏縣西分爲二南爲菏水北爲濟瀆又東北流至琅槐縣故城北會河水入海以今地言之凡山東濮州曹縣定陶鉅野壽張東平東阿平陰長清齊河歷城章邱鄒平長山新城高苑博興樂安諸州縣皆其所經

此據禹迹言之與今異

皆齊地也王

應麟曰濟水通得清水之名以水道清深也

濟

本策田忌爲齊將章左濟右天唐軍重踵高宛案見上

濁河

見上原注平原有鬲津般河皆近齊正曰正義云黃河

從洛

疑當作名

魏三州界北流入海亦齊西北界左傳齊履

西至于河

恩澤

案孟康曰齊西有平原河水東北過高

唐鬲津號黃河故曰濁河杜預釋例河自汲郡頓邱陽

平平原樂陵之東南入海正義濟漯二水上承黃河並

淄青之北流入海高士奇曰此據秦漢以後言之非古

河道也古河道自大陸以北播爲九河在成平以南平

原鬲縣以北齊之東

當作北

境當在九河最西徒駭是其

西界

許商云九河故道徒駭在成平胡蕪在東光鬲津在鬲縣太史馬頰覆釜當在成平之南東光之北

簡絮鉤盤當在東光之南鬲縣之北其地並在今德州河間二百餘里內齊北境也胡渭曰古之

逆河起寶坻南界歷靜海滄州鹽山海豐及霽化北界

而止

卽所謂勃海也

考齊之河道者當於此求之

河自周定王五年徙由滌

川歷經東昌德州等處皆齊地

淄水

燕攻齊章作菑

本策孟嘗君將入秦章淄水至則汝殘矣原注淄水出

太山萊蕪原山

恩澤

案水經注淄水出泰山萊蕪縣西

南原山下

顏神鎮東南二十五里

世謂之原泉

淮南子淄出目餽山齊乘淄水出今

益都縣岳陽山東麓卽原山也

東北流出萊蕪口逕牛山西又東逕臨

淄縣故城南

在今縣北八里

東得天齊水口

在今縣東南八里

又東北

流逕琅槐故城南

在今樂安縣東北一百十里

又東北逕馬井城北

與時繩之水合又東北至皮邱沈入于海

班志作入海蓋濟水亦於

此入海也杜注作入汝卽柴汝水出秦山梁父縣西北入汝與此異

括地志俗傳禹治水

功畢土石黑數里之中波若漆故謂之淄水齊乘淄多

伏流潦則薄崖涸則濡軌而已俗謂之九乾十八漏洪

亮吉曰今淄水出博山

錢坫作淄川地相接

縣岳陽山

俗名馬耳山

從

長峪道逕益都臨淄樂安至壽光縣界合清水泊入海

錢坫曰卽鉅定也

淄上

同上今臣來過於淄上案見上

淄澗

本策田單將攻狄章而馳乎淄澠之間原注澠水出臨

淄入時水

恩澤

案水經注澠水出營城東世謂之漢濼

水西逕樂安博昌縣故城西南歷貝邱又西北入時水
自下通謂之澠左傳有酒如澠指此時水又東北流逕
廣饒縣故城北入淄水孔子曰淄澠之水合易牙嘗而
知之謂斯水矣齊乘澠水北流勢極屈曲俗稱九里十
八彎顧祖禹曰淄水在城南澠水在城北故曰馳乎淄
澠之間

錢坫以漢志廣饒爲山所出之澠水爲澠水與此異

泗水

秦策或爲六國說秦王曰章以與申縛遇於泗水之上

恩澤

案水經注泗水出魯下縣故城東南桃墟西北

山海

經泗水出魯東北淮博物志曰泗出陪尾蓋斯阜矣

地括

南壘形調泗出台術泗水縣東陪尾山其源有四道

西南

因以爲名今兗州府泗水縣東五十里有陪尾山

泗水

逕魯縣北分爲二北爲洙濟南則泗水

所謂洙泗之間

所又南流逕方與縣東荷水從西來注之又東南流逕

角城北

在今清河縣西南注于淮其地在今山東兗州濟寧江

蘇徐州淮安等處

此禹迹故道也今自徐城以南悉爲大河所占矣正當時齊

楚相遇之所但不知何縣耳地理志泗水有二一與

水經注同一出濟陰乘氏錢坫曰濟陰之泗卽荷荷卽

濟也說文泗受洙水東入淮謂此

國若璩曰漢志濟水入沛卽誤乃洙水

入泗

耳說文
是也

汶篁

燕策昌國君樂毅章莠邱之植植丞汶篁原注汶水出
泰山萊蕪原山竹田曰篁言燕以齊爲塞正曰索隱云
言燕莠邱之所植植齊王汶上之竹徐注謂燕之疆界
移於齊之汶水非補曰一本汶篁恩澤案博雅皇與塏
通易城復于隍子夏傳作塏云城下池也說文有水曰
池無水曰隍策蓋言莠邱之植植丞汶上之城池耳從
征記汶水入萊蕪谷夾路連山百數里水隍多行石澗
中出藥草饒松柏林藿縣濛崖壁殆卽所云汶皇也因

上句植字遂訛皇爲篁說者因以竹田訓之謬矣

長城

秦策張儀說秦王曰章長城鉅防足以爲塞原注濟北有長城東至海補曰長城西頭在濟州平陰縣界太山記云太山西有長城緣河經太山一千里至琅邪臺入

海

淵澤

案長城之說不一管子長城之陽魯也長城之

陰齊也

疑是泰山之誤

竹書梁惠成王二十年齊築防以爲長

城

此在威王時正義以爲非是

史記還蓋長城以爲防齊記齊宣

王乘山嶺之上築長城東至海西至濟州千餘里水經

注朱虛縣泰山

此東泰山即沂山在臨朐縣南百里

上有長城西接岱東

連琅邪巨海千有餘里蓋田氏之所造通典盧縣有長

城東至海

說本郡國志

輿地廣記鄆州平陰縣淄川縣

古齊長城以今考之其時則春秋已建其基而戰國以

來威宣閉三主代修之其地則自今平陰東歷肥城北

長清南泰安西北

六十里

萊蕪北淄川南沂水北

九十里五里臨

胸南莒州北以至諸城南

七十

里皆是也

鉅防

見上原注濟北盧有防門卽鉅防

恩澤

案左傳壑防門

而守之廣里杜預曰平陰城南有防防有門於門外作

壑橫行廣一里京相璠曰平陰南

當作北

有長城東至海

西至濟河道所由名防門去平陰三里其水引濟故瀆

尚存門之北有光里今其地亦名廣里云

此與杜異解當以杜爲是

郡國志濟北國盧縣有平陰城

京相璠曰在西南杜預作東北非是

門有光里皆專據平陰一縣言竹書云齊築防以爲長

城則長城卽鉅防也

四塞

同上臨淄章此所謂四塞之國也原注言四面皆有險

固

恩澤

案卽指上文太山琅邪清河渤海言他若清濟

濁河足以爲固長城鉅防足以爲塞亦所謂四塞也

博關

本策張儀爲秦連橫說齊王曰章悉趙涉河關指博關
原注蘓秦傳注東郡有博平以爲博關今按泰山有博
亦近齊也補曰後語注云今兗州博城縣有古關是博
關司馬貞云在博州恩澤案正義博關在博州趙兵從
貝州渡清河指博關則漯河南臨淄卽墨危矣輿地廣
記博州戰國屬齊趙魏三國之交胡三省曰博關在濟
州西界之博陵說本正義今山東東昌府博平縣西北三十
里有故博平城卽齊博陵也以爲博城者非括地志博
城縣之關

名陽
關

五都

燕策燕王噲既立章王因令章子將五都之兵因北地之衆以伐燕原注都大邑補曰索隱云五都卽齊也臨淄是五都之一

此句是正義臨淄上脫一按字

恩澤案周禮四縣爲都

方三十二里自是大邑但孟子稱王之爲都者臣知五人而平陸居其一則齊地之以都計者當不止此數而當時特用其五耳

安平

本策貂勃常惡田單章安平君小人也原注徐廣云北海東安平正義云在青州臨淄縣東古紀國之鄰邑索隱云單初起安平故以爲號

恩澤

案地理志東安平屬

淄川國闕駟曰博陵屬涿郡有安平故此加東錢坫曰非也乃千乘

有安平耳應劭曰博昌西南三十里有安平亭郡國志北海

郡

正義曰青州即北海郡也

東安平六國時曰安平

宋書州郡志屬齊郡

括地

志安平城在青州臨淄縣東十九里胡三省曰齊以田

單安國平難又嘗保安平故以安平封之顧祖禹曰今

臨淄縣東十九里

錢坫作十里江永曰疑是九十里與壽光縣相近紀在壽光東南也有

東安平故城單所封也

千乘

本策齊負郭之民章千乘博昌之間方數百里兩血露

衣原注千乘青州郡

恩澤

案地理志千乘郡有千乘縣

郡國志屬樂安國伏琛曰千乘城在齊城西北百五十里隔會水卽漯水之異名也元和志千乘者以齊景公有馬千駟畋于青邱得名今縣北有青邱寰宇記千乘

故城在高苑縣北二十五里

說本正義

顧祖禹曰今青州府

高苑縣北

錢坊作東北

二十五里有千乘城

按通雅以濟南府濱州爲漢千

乘地非是濱州乃千乘郡濕沃縣地非古千乘縣也

博昌

見上原注屬千乘

恩澤

案地理志千乘郡有博昌縣郡

國志屬樂安國有薄姑城卽古薄姑氏國有貝中聚卽

左傳貝邱

又有時水所謂乾時

應劭曰昌水出東萊昌陽關騶曰

昌水勢平故曰博昌錢坵曰縣有薄姑城

括地志薄姑在博昌東北

六十里

古字薄博同聲通用加美名故曰博昌耳非昌水

之謂也在今青州府博興縣東

顧祖禹洪亮吉並作南

二十五里

顧祖禹作二十里

夜邑

一作剡邑

同上安平章益封安平君以夜邑萬戶高注夜一作劇

鮑注同屬淄川又東萊有掖有不夜疑夜字爲掖不全

或不夜省補曰齊地記古有日夜出見于東萊故萊子

立此邑以不夜爲名

恩澤

案地理志掖與不夜雖同屬

東萊郡然掖爲今萊州府掖縣不夜爲今登州府文登

榮成二縣相距五六百里田單所封必不在此考說苑
引此正作掖楚漢春秋有夜侯蠱達卽掖縣通鑑注夜
邑戰國策作掖邑是夜掖古字通用當以今掖縣爲是
御批通鑑輯覽主此說
顧祖禹洪亮吉並同 舊注以爲從不夜省綱目集覽
從之非是

劇邑

見上補曰劇城在青州壽光縣南三十里

恩澤

案地理

志有兩劇縣一屬北海郡一屬淄川國路史國名紀劇
齊附庸今淄川劇縣又云劇是臨朐東壽光西南故劇
城齊之劇邑錢大昕曰志稱淄川後并北海則二劇疑

卽一地然北海之劇本是侯國卽淄川懿王子錯所封

蓋析劇縣之鄉爲侯國別屬北海而劇縣之隸淄川如

故非重出也今青州府壽光縣東似當作西三十里有劇故

城錢坊曰淄川之劇在丹水之東今在青州府昌樂縣

西十里爾雅正義作五十五里北海之劇在丹水之西今在青州

府臨朐縣西南似當作東北實一地也以單封安平考之則劇邑較夜邑爲近

膠東

燕策秦召燕王章以膠東委於燕以濟西委於趙原注

膠東國故齊國項紀注卽墨也恩澤案地理志膠東國

領縣八亦治卽墨耳漢卽墨縣在今平度州非今卽墨縣也非止卽墨一

縣也水經注膠水出黔陬縣膠山

齊記作五弩山

北過夷安縣

今高密縣

至當利縣

今掖縣

西北入海寰宇記膠水在膠水縣

今平度州

西八十里胡三省曰膠水之東爲膠東國今萊州

之平度卽墨昌邑登州之萊陽皆其地但此地距燕甚遠何以委之蓋古時青州原跨有遼東營州之境是時一篇燕故以此委燕使越海而有此地本是虛構之詞不可爲典要然意實如此若由今順天趨天津經武定青州而至登萊路反寫遠隔絕難通矣

卽墨

同上博關章臨淄卽墨非王之有也原注卽墨屬膠東

國禘曰今萊州卽墨縣

恩澤

案地理志膠東國有卽墨

縣郡國志屬北海國

左傳棠邑在此

正義萊州膠水縣

錢坫引作膠東

縣疑

南六十里卽墨故城是也括地志卽墨故城在膠

水縣東南六十里

元和志同

寰宇記墨山在膠水縣東北六

十里石色如墨有墨水出焉太平御覽城臨墨水故曰

卽墨唐宋之膠水縣皆今萊州府之平度州故今平度

州東南六十里有卽墨故城卽古卽墨也

顧祖禹錢坫並主此說

今萊州府所屬之卽墨縣則隋開皇十六年始置

漢爲不其

縣

注乃引此以證齊邑謬矣

洪亮吉乾隆圖志亦誤

夷維

趙策秦圍趙之邯鄲章夷維子執策而從原注索隱云
維東萊之邑其居夷也號夷維子故晏子爲萊之夷維
人恩澤案地理志高密國有夷安縣應劭曰故萊夷維

邑齊記齊城東三百里有夷安卽晏平仲之邑水經注

縣西去濰水四十里

濰水出琅邪箕縣屋山東北流逕都昌縣入海有潭周四

十里濰水支津之所注也正義密州高密縣古夷安城

蓋因邑爲姓路史國名紀高密有密鄉春秋之萊夷維

邑也今萊州府高密縣外城卽夷安故城也

說本通典

瑯邪

見上泰山下原注徐州郡補曰朱子云齊東南境上邑

恩澤

案山海經瑯邪臺在渤海間瑯邪之東郭璞曰瑯

邪臨海邊有山嶠嶢特起狀如高臺此卽瑯邪臺也瑯

邪者越王句踐入霸中國之所吳越春秋句踐二十五

年

竹書作二十九年

徙都瑯邪立觀臺

越絕書云臺周七里

以望東海山

經則地本有臺句踐特更築之耳索隱云山形如臺是也

地理志瑯邪郡有瑯邪縣

水經注瑯邪臺在城東南十里今夏河城在臺西北正

十里或是越王都云縣南七里有長城卽齊所築初

爲齊越分界處後爲齊楚分界處故迹依約猶存師古

曰瑯邪卽墨近海財用所出蓋其地依山爲城山上有

臺三面皆浸於海惟西南通陸形勢險要兼更饒富故

句踐徙都於此而齊亦以此爲東南一大都會也元和

志琅邪故城在諸城縣東南一百四十里

括地志作一百七十里疑

誤後漢書注謂在海州朐山縣東北蓋地相接鮑注以爲徐州郡當是密州之訛乾隆圖志言在諸城縣東南一百五十里則據山爲說也今同屬青州府又東南十里爲琅邪山

城陽

同上安平章王走而之城陽之山中原注城陽兗州國

莒其縣也

恩澤

案漢志城陽與成陽不同成陽是縣屬

濟陰郡在今濮州城陽是國

齊悼惠王子章所封

屬兗州在今莒

州

胡三省通鑑注方以智通雅錢大昕廿二史考異說並同

風俗通義城陽今莒縣

是也

王莽名城陽爲首陵亦卽此義

顧祖禹曰今山東莒州

今屬沂州

廢莒縣卽其地

洪亮吉謂在諸城縣北疑誤諸城雖與莒州接壤然當在縣南不應在縣北

莒

同上千乘章王奔莒

恩澤

案齊有二莒一爲東境邑左

傳齊侯田于莒陳桓子請老子莒是也

此亦莒地但其國都耳高士

奇曰取地于莒遂謂之莒

御批通鑑輯覽主之

一爲故莒國地理志城陽國

有莒縣郡國志琅邪國莒縣本國故屬城陽是也此是

故莒國

杜預曰縣自遷邱里

舊城有三重皆崇峻子城方十二里

內城周二十里外郭周四十里蓋鑒於先時浹辰三都

之克加意修築故守險難犯閭王獨保此以爲固而燕

亦并力攻之而不能下也今爲沂州府莒州

鼓里

同上於是殺閔王於鼓里原注莒中里也

恩澤

案胡三

省曰鼓里近齊廟蓋因淖齒弑閔王擢其筋縣之廟梁宿昔而死望文生義而爲此說至莒之有廟則以陳桓子請老於是故以爲宗邑立廟奉祀此本故莒國地相去必不遠惟謂之鼓里其名尙難強通耳

鍾離

本策齊王使使者問趙威后章齊有處士曰鍾離子原

注鍾離屬九江

恩澤

案九江之鍾離在今安徽鳳陽縣

東四里此非齊地也史記齊世家會諸侯盟于鍾離劉

昭曰鍾離城南有羽泉括地志鍾離故城在沂州承縣

界路史國名紀鍾離國子爵徐之別封今沂之承舊作承非

有鍾離城乃晉吳會處應劭曰在九江蓋其後徙於此

吳滅之若宜咎之所城事見左傳在今湖北漢川縣東五里則楚地矣齊

乘鍾離在沂州西南百餘里楚將鍾離昧所築此說非是據路

史則鍾離之得名久矣非因昧姓而有是名也昧蓋因其地城之耳今爲山東兗州府嶧

縣洪亮吉謂在海州南非是

華陽

同上華陽子原注諸書華陽皆不地范曄傳注華一作

葉恩澤案姓氏急就篇亦作葉然齊自有華地左傳齊

有華不

同附

注山又有華泉在今濟南府歷城縣東北十

五里或卽在此山之南水之北未可知也又地理志秦

山郡有華縣在今沂州府費縣東北六十里本魯東防

邑戰國時亦屬齊

淮泗之間

本策

鮑本屬楚

齊以淖齒之亂仇秦章王卽欲以秦攻齊淮

泗之間亦可得也

恩澤

案淮泗之間卽所謂淮北泗上

也蓋淮水自西而東泗水自北而南俱至今清河縣合

流入海在其間者今江蘇之徐州及淮安北境山東之

濟寧及兗州南境安徽之泗州皆是也

淮北

同上汶篁章且又淮北宋地楚魏之所同願也原注楚欲得淮北恩澤案正義曰淮北謂徐泗等州顧祖禹曰自沂兗以南古所稱淮北地也

東國

同上阿章齊有東國之地方千里恩澤案東國謂齊東

方之國如泗上十二諸侯之屬策云舉五千乘之勁宋而包十二諸侯疑卽指此若趙策所稱東國見秦圍趙之邯鄲章則專以齊言

國策地名考卷五

欽 程恩澤 纂

儀徵阮芸臺先生鑒定 溧陽 狄子奇 箋

陽湖 顧文炳 叅

齊

下

徐州

本策楚威王戰勝於徐州章高註徐州或作舒州是時屬齊鮑注後志魯之薛六國時曰徐州恩澤案徐州有

三說地理志勃海郡有東平舒縣正義曰卽徐州也爲齊西北界上地江永曰東平舒在今順天府大城縣界

此齊之極北與燕界者也齊履北至無棣與東平舒並屬勃海郡則其北境得至此史記齊威王曰吾臣有黔夫者使守徐州則燕人祭北門趙人祭西門此正是東平舒接燕而近趙之地故燕趙畏之而祭門

顧炎武以此爲誇詞

若是薛城去燕趙甚遠又何畏哉皇極經世書陳恒事明朱隱老注引正義東平舒之說當從之此一說也竹書紀年梁惠成王三十一年下邳遷於薛改名曰徐州顧炎武曰今滕縣之南薛河北有大城田文所築也此又一說也說文邾邾下邑魯東有邾城其地近薛而非卽薛也段玉裁曰是時薛爲齊滅不得至魯頃公十九

年尚爲魯有蓋國策之徐州本邾也非薛也邾徐聲近
凡史記齊世家楚圍我徐州楚世家敗齊於徐州越世
家與齊晉諸侯會於徐州魯世家楚伐我取徐州皆指
邾言此當從後說

薛

東周策謂薛公曰章高注薛齊邑田嬰封于薛號靖郭

毛君今屬魯國鮑注同

恩澤

案漢志魯國有薛縣本仲

虺國戰國時爲齊所滅

先滅薛以遷邾後又滅邾以封田嬰

封田嬰於此

謂之薛公今在兗州府滕縣南四十里

正義作四十四里

胡三

省以薛爲薛陵非是洪亮吉曰薛陵在今陽穀縣東北

靖郭

本策靖郭君將城薛章原注田嬰謚正曰索隱云靖郭

或封邑號漢齊王舅父駟鈞封靖郭侯恩澤案史記文

帝本紀封齊王舅父駟鈞爲清漢書郭侯惠景間侯者

年表有清郭王氏本作清都監如淳曰邑名六國時齊

有靖郭君靖音靜錢大昕曰杜佑謂戰國之際權設班

寵有加賜邑封君者蓋加其位號或空受其爵如靖郭

武安之類以言武安則可以言靖郭則不可按考與所

之說惟史記徐廣注云清都一作鄭苦堯反索隱云漢

表作鄔鄔屬鉅鹿又云鄔太原縣與國策注所據不同

蓋初封清郭後乃徙封於鄔其或在鉅鹿或在太原則

未知就是以徐廣注推之當主鉅鹿漢志鉅鹿郡有鄔

縣今爲東鹿縣鄆縣故
城今在趙州二地相近

嘗

本策靖郭君善齊祝辨章孟嘗君又竊以諫原注孟嘗
君邑名在薛旁按詩居常與許卽此嘗也

恩澤

案孔疏

常魯南鄙鄭箋常或作嘗在薛之旁六國時齊有孟嘗
君食采於薛管子小匡篇管仲勸桓公親諸侯反其侵

地故歸魯常潛

國語常作堂洪頤煊經義叢鈔以常與
棠通卽春秋公矢魚于棠之棠按棠爲

今魚臺縣
非此地

史記越世家願齊之試兵南陽

此南陽卽
秦山之陽

地以聚常郊之境索隱常邑名卽田文所封

或云越世
家之常卽

春秋傳晉會吳子于良之良也漢置良
城國在今邳州北六十里似非一地

或以爲謚非是

路史嘗在南陽田文之封今滕縣薛城

括地志薛城周二十八里堅厚

無

比南十里有孟嘗集或云卽古嘗邑近志以史記公孫

宏傳有菑川國薛縣誤文因以淄川爲田文封邑謬矣

見日

知錄

成

本策成侯鄒忌爲齊相章高注成邑鄒忌封補曰史曰

封以下邳號爲成侯

恩澤

案成本魯地春秋桓六年公

會紀侯于成杜注在泰山鉅平縣東南後爲孟氏邑在

齊南魯北境故曰噶成齊人必至于北門史記齊宣公

四十八年田和取魯成邑卽此漢置鉅平縣屬泰山郡

括地志鉅平城今爲故城社汶水經其東上有文姜臺
其東南卽魯之故成邑今兗州府寧陽縣東北九十里
有鉅平城或鄒忌先封於此又益封下邳也

剛

史記
作綱

魏策穰侯攻大梁章攻齊得剛博以廣陶原注並屬秦
山補曰括地志故剛城在兗州龔邱縣界恩澤案地理

志泰山郡有剛縣故闡郡國志屬濟北國應劭曰剛城
故闡邑也徐廣曰濟北有剛縣京相璠曰剛縣西四十
里有闡亭杜預春秋釋例闡在剛縣北剛城東有一小
亭今剛縣治俗人又謂之闡亭章懷太子曰故剛城在

龔邱縣東北

彭字記同

今寧陽縣東北三十五里有剛城史

記秦昭王三十六年取齊剛壽剛卽此

壽謂壽張正義曰鄆州縣

平陸

本策燕攻齊章楚攻南陽魏攻平陸齊無南面之心恩

澤案地理志東平國有東平陸應劭曰古厥國郡國志

東平陸六國時曰平陸水經注汶水西南逕東平陸故

城北元和志中都本魯邑定公以孔子爲中都宰故城

在今縣

唐置中都縣

西三十九里

水經注引郡國志曰須昌縣有致密城古中都也卽

夫子所宰之邑矣在平陸縣西

漢以其地爲東平陸縣太平御覽鄆州

中都縣漢爲平陸縣史記魯敗齊師於平陸卽此今充

州府汶上縣西北有平陸故城

右壤

同上且棄南陽斷右壤存濟北計必爲之原注右壤謂

平陸

恩澤

案齊右壤策凡兩見在秦策者

頃襄王二十一年章齊之右

壤可拱手而取也

當據全齊言正義右壤謂淄

原本作涓疑誤

州之南

北胡三省曰謂濟西之地是也此右壤專據平陸言索隱曰齊右壤之地平陸是也各就本文審之

南陽

見上原注荊州郡時屬齊補曰索隱云南陽卽齊淮北

泗上之地

恩澤

案此南陽在泰山之南趙岐孟子注泰

山之南謂之南陽貨殖傳泰山其陽則魯其陰則齊當

是其地

全祖望曰自齊言之則謂之南陽山南曰陽也自魯言之則謂之汶陽水北曰陽也在今

新泰寧陽一帶正與平陸相近故牽連言之公羊傳高子將南陽之甲孟子遂有南陽皆此也鮑以爲荊州郡固謬吳云卽淮北泗上之地亦似太遠顧祖禹謂今鄒縣西三十里有平陽城卽齊南陽邑則又太偏矣

阿

奈策謂魏冉曰章宋衛乃當阿鄆

本作甄按鮑注云史作甄則此當是甄字

耳原注阿今濟北東阿齊之阿邑

恩澤

案阿有二屬趙

者爲西阿

卽葛城

在今直隸保定府安州史記趙與燕會

阿是也屬齊者爲東阿

史記趙與齊戰阿下乃西阿本也高士奇以爲卽東阿非是

春秋柯邑

杜預曰柯之爲阿猶祝柯今爲祝阿也

莊十三年公會齊侯盟

于柯是也

此與襄十九年叔孫豹會晉士匄盟于柯非一地彼柯在今河南彰德府內黃縣東北境

高氏合而

之亦非又名阿澤襄十四年敗公徒于阿澤是也

濟北東阿縣西南大澤

戰國時爲阿史記齊威王烹阿大夫是也

漢志東郡有東阿縣括地志漢東阿縣在東阿縣西南

二十五里

元和志作西十二里

今在兗州府陽穀縣東北五十里

阿城鎮宋開寶八年遷縣治於今東阿縣

屬泰安府

之南穀

鎮而故城遂墟

宋東阿縣乃春秋穀邑漢爲穀城縣今名舊縣有項羽墓自宋以來又經數徙

錢坫謂漢東阿縣在

今東阿縣西南疑誤

羸

同上千乘章羸博之間地圻至泉原注二縣屬太山

恩

澤

案春秋桓三年公會齊侯于羸杜注今泰山羸縣漢

志羸屬泰山郡是也元和志後魏移古羸縣於萊蕪縣

卽今

縣治唐貞觀初省入博城長安四年以廢羸縣置萊蕪

縣

襄寧

後漢書注羸故城在博城縣東北

括地志同

今在泰

安府萊蕪縣西北四

方輿紀要作二

十里或云

大事表至此說

在泰安

縣東南五十里江永曰各據其地望言之實一地此說

非也左傳公會吳子伐齊五月克博壬申至于羸博卽

博城縣在今泰安縣東南三十里吳魯伐齊自南而北

若羸又在博南二十里斷無先至博而後至羸之理惟羸在博北故旣克博復深入折而東乃至于羸當以魏王泰章懷太子賢說爲是

按萊蕪在泰安正東一百二十里萊蕪之西北正泰安之

東北也若在泰安東南則亦當在萊蕪西南矣

博

見上

恩澤

案漢志泰山郡有博縣

劉昭注有龜山有龍鄉有蜀亭皆魯地

檀弓葬于羸博之間國語遵汶伐博皆此地漢初亦曰

博城

呂后封馮無擇爲博城侯卽此

括地志博城縣本漢博城縣城是

也今在泰安府泰安縣東南三十里

高宛

見上濟下高注高宛縣名鮑注後志高宛屬樂安

恩澤

案地理志千乘郡有高宛縣郡國志屬樂安國水經注

高宛有東西二城

西封兩倩東封齊悼惠王子卯

徐廣曰樂安有高苑

城故俗謂之東高宛寰宇記故城在長山縣北二十四

里今在濟南府新城縣東十二里其青州府所屬之高

苑縣則齊千乘地也

方輿紀要以此卽今高苑縣就地勢審之卽以今高苑縣爲東高宛

以今新城縣爲西高宛亦似可通蓋二縣本接壤在漢晉同屬樂安國也

天唐

同上高注天大也唐防也鮑注蓋盼子所守所謂高唐

屬平原

恩澤

案漢志平原郡有高唐縣杜預曰在祝阿

縣北

後書注
作西

寰宇記在禹城縣南五十里錢坫曰戰國

策所謂天唐是也

此說未知所據似卽
本鮑注恐未可信

於陵

同上鍾離章於陵子仲尚存平原注於陵屬濟南以所

居爲號

恩澤

案漢志濟南郡有於陵縣

杜預曰縣西北
有于亭陳桓子

以封齊
公子周

齊記於陵西三里有長白山卽陳仲子夫妻隱

處水經注魚子溝水出長白山東抑泉口山卽陳仲夫

妻之所隱也其水又逕於陵縣故城西孟子曰居於陵

卽此處也

鮑以此與孟子所稱爲兩人非是高
誘本此篇在宣王時正與孟子同時

魏收地

形志濟南郡逢陵縣有於陵城

或曰後魏改
置縣於此

寰宇記故

城在長山縣南二十五里今在濟南府長山縣西南二

十里

大事表作三十里

昌國

同上千乘章使昌國君將而擊之原注

見燕策

故昌城在

淄州淄川縣東北

恩澤

案地理志齊郡有昌國縣郡國

志屬齊國亦名昌城

此與信都國之昌成山陽郡之昌邑不同近志多混

趙世家

惠文王二十五年攻昌城高唐取之是也水經注德會

水流逕昌國縣故城南昔樂毅攻齊有功燕昭王以是

縣封之為昌國君正義故昌城在淄州淄川縣東北四

十里今在濟南府淄川縣東北三十五里

錢坫作四十里

聊城

同上平陸章初燕將攻下聊城原注屬東郡高紀注在平原正曰括地志故聊城在博州聊城西恩澤案漢志

東郡有聊城縣

魏晉屬平原唐宋屬博州

此於春秋爲齊西境邑所

謂聊攝以東也

京相璠曰攝城在縣東北三十里又有夷儀聚有聶威並見左傳

水經

注漯水又北逕聊城縣故城西城內有金城周市有水南門有馳道絕水南出自外泛舟而行東門側有層臺秀出魯仲連所謂還高唐之兵卻聊城之衆者也今在東昌府聊城縣西北十五里

濟北

見上右壤下

恩澤

案郡國志有濟北國其地本廣但此

處濟北當專指聊城言索隱濟北卽聊城之地是也胡

三省兼博陽

疑是博陵之訛

言非是

濟西

同上清濟章濟西不役所以備趙也河北不師所以備

燕也原注濟西濟州以西也

恩澤

案春秋屢書濟西杜

注一云濟水之西一云故曹地顧棟高曰約在今曹縣

鄆城鉅野三縣之地此就春秋魯濟疆界言若此所云

濟西則今東昌曹州二府凡在濟水以西者皆是

鄆

史作甄竹書同

見上阿下又本策齊王建入朝于秦章在阿鄆之間者

百數原注鄆屬濟陰補曰鄆本濮州鄆城恩澤案春秋

莊十四年諸侯會于鄆杜注鄆衛地今東郡鄆城按鄆城於

秦屬東郡晉爲濮陽國並無東郡之說杜稱今東郡鄆城未審何據漢志濟陰郡有鄆城

縣說文水經注河水又東逕鄆城縣北故城在河南岸

十八里河上之邑最爲峻固城周七里戰國時屬齊宣王

八年與魏惠王會于鄆是也今曹州府濮州東二十里

有舊城集卽故鄆城也

濮磨之北

秦策頃襄王二十年章王又割濮磨之北屬之燕斷齊

秦之要絕楚魏之脊原注濮在江漢之南建寧邵南有
濮夷沮水西有磨城子胥所造正曰江漢南之濮乃書
彭濮之濮沮水磨城遠不相涉下文北屬之燕可見濮
卽衛之濮上水出東郡濮陽南入鉅野者也索隱云磨
地近濮史表有磨侯程黑索隱云表作歷歷縣在信都
地邑並無磨此磨字與歷通新序正作濮歷恩澤案吳

以濮爲濮上勝鮑說多矣惟謂磨卽信都歷縣

今直隸河間府

故城

尙嫌稍遠與濮不相屬水經注雷澤西南十許里

有小山孤立峻上亭亭築峙謂之歷山澤東南有陶墟
郭緣生述征記謂舜耕陶所在也此本杜預舊說

濮州東南七十里正索隱所云磨地近濮者以此無
磨之北謂自濮水歷山以北皆割以屬燕似較穩愜
說俱未明析

地理通釋與
吳注畧同

新觀

魏策楚許魏六城章王之所得者新觀也原注屬魏郡
補曰括地志觀津在冀州棗陽一云武安縣東南本趙
邑今屬魏恐名新觀以此大事記主屬清河又云魏惠
王三年齊伐魏取觀津赧王四十二年魏冉敗趙魏取
趙觀津所屬不常

恩澤

案舊以觀津爲新觀殊屬臆說

上云伐齊存燕下云道涂宋衛爲制則新觀當是齊地

與宋衛相近何得以觀津當之耶郡國志東郡衛公國

本觀故國妣姓

本作姚疑誤

元和志澶州東北二十四里

寰宇

記作七

十里有觀城縣古之觀國太康第五弟所封今屬曹

州府疑卽其地然新觀二字不見諸地理書未可武斷也

河南

秦策秦客卿造謂穰侯曰章誠能亡齊封君于河南原

注亦河之南非郡此蓋寓封

恩澤

案策下云南與陶隣

則其地必與定陶相近當在大河之南今河南歸德府

商邱虞城等處是時宋地俱屬齊也

宋地

見上淮北下原注魏欲得宋時屬齊恩澤案宋世家王

偃四十七年年表止四十年通鑑同齊與楚魏滅之通鑑齊獨滅宋三分

其地或云齊得其濟陰東平魏得其梁陳留楚得其沛
恐未必然濟陰東平本齊地何待滅宋始得之是時齊
主兵疑沛梁陳留亦必有高分而食者故楚魏欲得而
甘心耳田齊世家齊遂伐宋宋王出亡死于温齊南割
楚之淮北西侵三晉欲以并周室爲天子則楚魏之地
齊尚奪之又何有於宋地哉

陽武

秦策陘山之事章齊懼令田章以陽武合於趙高注陽

武齊邑鮑注屬河南此時屬齊正曰此指開封陽武非

齊地當考

恩澤

案漢志陽武屬河南

今屬懷慶府胡滯曰陽武本在河南

自元時河從原武決而東南流始爲河北地

史記云陳平陽武戶牖鄉人蔡

邕陳留東昏庫上里新碑亦云惟斯庫里古陽武之牖

鄉卽左傳所云及戶牖陳留風俗傳東昏縣衛地故陽

武之戶牖鄉是也今爲開封府蘭儀縣是時齊地據有

曹濮距蘭儀不遠旣云以陽武合於趙當必與趙接壤

之處未可以鮑注爲非

張氏琦曰此或章武之訛

平邑

中山策中山與燕趙爲王章欲割平邑以賂燕趙高注
平邑燕邑鮑注屬代郡正曰括地志平邑故城在魏州

昌樂縣東北

恩澤

案平邑有二地理志代郡有平邑縣

在今山西大同府陽高縣西南

亦在靈邱縣西北

此趙之平邑

也史記趙獻侯十三年城平邑卽此括地志平邑故城

在魏州昌樂縣東北四十里在今直隸大名府南樂縣

東北此本趙地而齊取之者也竹書晉烈公五年齊圍

平邑九年取平邑卽此此地於漢爲樂昌縣屬東郡本

與齊不遠而亦爲燕趙至齊出入門戶故欲割以賂之

使出兵攻中山高注以爲燕邑非是世豈有割燕邑以

賂燕者哉

河間

燕策蘇代謂燕昭王曰章齊雖強國西勞於宋南罷於楚則齊軍可敗而河間可取案見秦

河北

見上濟西下原注河北謂滄博等州在漯河之北者

澤

案博州今東昌府距燕甚遠必非當時所指此河北

當是滄景德棣諸州在古逆河之北者爲今德州武定

天津河間之地

北地

見上五都下又見燕代自齊獻書于燕王章齊之信燕也至於虛北地行其兵原注齊之北近燕恩澤案索隱云北地卽齊之北邊胡三省曰蓋漢千乘清河勃海之地其說似混漢千乘郡卽今青州府乃齊之國都不得云北地卽清河亦齊西境非北境也當以專主勃海爲是

河東

趙策齊欲攻宋章得二都割河東盡効之於王恩澤案據上文此河東蓋取之於趙者魏策亦云趙欲以河東易燕地於齊蓋在漳河之東今彰德衛輝二府之境與

齊魏俱接界故齊又割以與魏也或以平陽蒲州言趙之河東則遠不相涉矣

枝桑

同上泗水章趙人聞之至枝桑燕人聞之至格道格道

不通乎

高本際高云一作平際本無

絕

高注絕字屬下句讀

高注燕趙怒齊之

臣魏故出兵至枝桑格道將伐也鮑注枝桑地缺趙記

注根桑一曰平桑疑卽此此魏地也蓋赴魏之難也

恩

澤

案據策上下文義當是齊地

以遇於泗水之上推之尤信

鮑以爲

魏地非是

格道

見上原注地缺

恩澤

案此亦齊地

際絕

見上原注地缺

恩澤

案據高注此非地名姑存之以俟

考

鼓

趙策三國攻秦章四國將假道於衛以過章子之路齊

聞此必効鼓原注莒鼓里是也濟南又有土鼓

恩澤

案

漢志濟南郡有土鼓縣水經注百脉水出土鼓縣故城

西是也在今濟南府淄川縣西五十里然此固名土鼓

非鼓也魏收地形志濟北郡盧縣有鼓城

在平縣治此

在今

濟南府長清縣未知卽此否又六國表樂毅破齊趙取齊昔陽應劭曰鉅鹿郡下曲陽今鼓聚昔陽亭是水經注昔陽故鼓國也隋開皇十八年改昔陽曰鼓城以此在今直隸晉州是時齊地北與趙隣則此鼓或指昔陽言按昔陽有二左傳昭十二年遂入昔陽杜在樂平估縣東有昔陽城水經注清漳水又南逕昔陽城今爲山西平定州樂平縣非齊所及

晉

燕策燕代自齊使人謂燕昭王曰章燕乃伐齊攻晉原注實合魏而陽攻以疑齊正曰晉地名下文云晉下可見恩澤案吳說是也但其地無考或是陽晉然不敢質

也今直隸晉州與魏陽城相近或其地

晉下

同上燕子遂將而與燕人戰于晉下原注晉之下地

恩

澤案晉下猶稷下歷下之謂非晉之下地也

狸

同上明日又使燕攻陽城及狸原注燕地後趙悼襄九年攻燕取狸陽城正曰據此策則燕取之於齊者也正義云當作漁陽此云陽城及狸則其說亦未可據

恩澤

案趙世家趙攻燕狸陽城卽此地蓋燕先取之於齊而趙又取之於燕也正義不知是兩地而以爲漁陽固謬

胡三省通鑑注謂狸卽陽城亦未合惟云其地當在齊

燕境上則頗可採水經注鄭縣

今任邱縣地

東南隅水有狐

狸淀俗謂之堀鯉淀非也

洪亮吉日堀鯉淀在今任邱縣北狐狸淀在任邱西北

淀中有蒲柳多葭葦寰宇記狐狸淀在任邱縣西北二十里任邱宋屬鄭州七國時爲燕齊二國之境未知狸卽此否

陽城

見上

恩澤

案郡國志中山國蒲陰縣有陽城水經注博

水又東逕陽城縣散爲澤渚方廣數里世謂之陽城淀陽城縣故城近在西北故陂得其名焉郡國志曰蒲陰

縣有陽城者也今城在縣東南三十里前見范水篇今在

定府完縣東南疑卽其地此與燕之曲逆似一地

狐氏

趙策甘茂爲秦約魏以攻韓宜陽章齊王欲求救宜陽必效縣狐氏原注地缺恩澤案縣邑也狐氏地名檀弓邑表

氏縣潘氏史記建元以來侯者年表有狐索隱曰縣名與此畧同

志屬北海顏師古曰卽狐字地理志注疑卽此地作執蓋誤

章子之路

見上鼓下原注地缺蓋章子以齊軍守此正曰無考

桓之曲

本策蘓子說齊閔王曰章昔者齊燕戰于桓之曲原注

家語所謂桓山蓋在齊魯之間

恩澤

案藝文類聚

九十卷

引家語曰孔子在衛聞哭聲甚哀顏回曰回聞桓山之鳥生四子焉羽翼既成將分四海悲鳴而送之哀聲似

此云云此家語所謂桓山也今在徐州府東北二十七

里下臨泗水相傳桓魋葬此因名

此說甚謬桓魋死在顏淵後顏淵時已稱

桓山則其名不因桓魋也

齊燕戰處不應在此

史記梁孝王世家有桓邑侯索隱曰地理

志桓邑闕未

知卽此否

雍門

同上濟章使輕車銳騎衝雍門高注雍門齊西門名鮑

汪始皇紀注在高陵正曰見左傳襄十八年

恩澤

案齊

雍門有二寰宇記彭城縣東南五十里有雍門城卽桓
譚新論所云雍門周彈琴見孟嘗君者此雍門當王齊
城門說所謂伐雍門之萩是也說苑韓娥東至齊過雍
門卽此鮑注不知何指

東閭

同上千乘章齊孫室子陳舉直言殺之東閭

恩澤

案東

閭亦齊城門名左傳州綽門于東閭杜預注東閭齊東
門也

檀衢

同上有孤狐喧者正議閔王斲之檀衢原注檀衢蓋齊

市名

恩澤

案左傳齊有檀臺

見哀公十四年

胡三省曰檀衢意

其地爲通檀臺之衢路也

此說似未的按左傳齊檀臺在公宮內史記正義謂在

臨淄縣東一里恐未可信

爾雅四達謂之衢當是街里之名非必市

也

章華

姚本作華章

本策蘓子自燕之齊章見於章華南門原注史作東門

注齊都賦小城北門不知是一門非也補曰括地志齊

城東有間門武鹿章華之門

恩澤

案據史記則爲東門

據齊都賦注則爲北門據國策文則爲南門皆非也顧

祖禹曰章華齊宮門名蓋宮門之南門也以見字審之
良信

北宮

同上鍾離章北宮之女嬰兒子無恙乎恩澤案淮南子

有北宮子高誘注以爲齊人卽孟子北宮黝是齊有北
宮氏也蓋以居爲姓者

梧邱

今本作枯邱茲據說苑及北堂書鈔引本改正

同上澗澗章齊嬰兒謠曰大冠若箕修劍拄頤攻狄不
能下壘梧邱原注補曰齊景公田于梧地名也恩澤案

說苑辨物篇齊景公敗于梧邱卽注所引也但其地並

無的處水經注系水北逕臨淄城西門西流逕梧宮南

其地名梧臺里又西逕葵邱北梧臺在齊城西三里

今有

小阜是
其故址

距狄地不遠

狄國在今高苑
縣西北二里

梧邱或在左右邵

晉涵曰梧邱亦名五丈夫之邱